

Ləkaləkətə nga Bulusə ka Filimanə

¹ Wiinə ləkaləkətə ca dzə ka hə, moodə guva-slənə geenə Filimanə. Nyi Bulusə da ndzəkəŋushi'inaamə Timooti ca naahə ka hə. Ma nya, kə kəshi ənji tə nyi aa furəshina putə nga Yeesu *Aləmasiihu. * ² Agi naahənə nə nyi əsə ka ndzəkəŋushi'inaamə i Afiya da Arəkipusə. Ma Arəkipusə, kə kəŋaanə ci də ŋgeerənə agi madzawə slənənə gaamə. Agi naahənə nə nyi əsə ka Ikəliisiya ətə ca gərəwə ka Əntanfə gaku asii. † ³ Wa Əntanfə Dəsənaamə da Slandanə Yeesu Aləmasiihu a dā koonə pwapoonə, təya vii koonə ndzaanə jamə.

Uudənə nga Filimanə da vii goŋgaakii

⁴ Ndzəkəŋunə Filimanə, taa guci cii kya dā də'wa, agi 'wapaanə nə nyi tə hə, nya kuyirii tə Əntanfə, ⁵ acii agi fanə nə nyi uudənaaku tə ənji nga Əntanfə patə da goŋgatə vii hə ka Slandanə Yeesu. ⁶ Agi dānə nə nyi də'wa kaa ləbənə gaamə agi nə'unə tə Yeesu a tsakə dā ka hə ŋgeerənə, ha shii patənə nga barəkaatə dīi Əntanfə kaamə dācii Yeesu Aləmasiihu. ⁷ Ndzəkəŋunə, kə dīi nyi maduunə moodasəkə putə nga uudənaaku tə ənji nga Əntanfə. Kə

* **1:1** 1 Timooti: 1 Koor. 4.17. † **1:2** 2 Rooma 16.5; Arəkipusə: Kwal. 4.17. **1:4** 4 Rooma 1.8. **1:5** 5 1 Tees. 3.6. **1:6** 6 Fil. 1.9; Kwal. 1.9-10.

baa ma'yanøki əsə, acii kə əgəvə hə ma'i rara'ə
aa ədzəmə ənji nga Əntanfø.

Kədiinə putə nga Unisimasə

⁸ Acii ha'ə, makə dīi ci, masləkee əndə nga
Aləmasiihu nə nyi, ka mbeenə nə nyi ka banə
ka hə yadə ηgwalənə tə sətə dəbee ha də.

⁹ Amma, putə nga uudəənə ahadaamə, taku
kaa nya kədii tə hə də kədii kədii. Nyi Bulusə,
masara, ca naahə. Wiinə əsə, əndə furəshina
nə nyi putə nga Yeesu Aləmasiihu. ¹⁰ Wanyinə
ka kədiinə aciiku ka madəbama nga uuzənaaki
Unisimasə. Kə ndzaa nyi makə dīi a furəshina,
acii kə baarii nyi ka ci rəgwa nga vii goonja ka
Aləmasiihu. ‡ ¹¹ Ma nga ηukə, pooshi nafalaakii
ka hə, amma, ma əndzə'i, tə'i nafalaakii kaanwə,
əntaa wata ka nyi.

¹² Wanyitsə kə ənyi ka sləkeenə ka ci aabiiku
əndzə'i; moodəkəyaaki nə ci. ¹³ Kə mwayi nyi
kapaanə tə ci ganə abiiki kaa ca tsakə tə nyi ka
madəba maku, waatoo agi ndzaanaaki ganə a
furəshina putə nga Njunyi Habara. ¹⁴ Amma paa
nyi ka moonə nya kapaa tə ci yadə luuvənaaku,
acii paa nyi ka moonə nya kavə tə hə tyasə kaa
ha də ka nyi nga'aanə. Amma, wa ca ndzaanə
nga luuvənə nga ədzəməku.

¹⁵ Mbu'u ci dīi, ma dzəginə nga Unisimasə
abiiku nga uundzə saa'i, kaa ca kavə tə ci ka
vii goonja ka Yeesu, ca ənə ka ndzaanə abiiku

1:7 7 Rooma 12.10; 2 Koor. 7.4; Ibər. 13.1. **1:8** 8-20 1 Tim.
6.1-2. **1:9** 9 Filim. 1; Af. 3.1. ‡ **1:10** 10 Unisimasə: Kwal.
4.9; uuzənaaki: 1 Tim. 1.2. **1:13** 13 Fil. 2.30. **1:14** 14 2
Koor. 9.7; 1 Piita 5.2.

nga ca'ə ndəŋwə ndəŋwə. ¹⁶ Ma əndzə'i, əntaa wata mava nə ci; kə palee ci ka mava, acii ndzəkəŋunə nə ci putə nga Aləmasiihu. Sə nga uudfənə nə ci ka nyi ka shəŋə. Sakwa ka ha, ətsə ndzaa ci ka mavaaku da ndzəkəŋunə putə nga Slandana.

¹⁷ Acii ha'ə, maa kə ŋgirə hə tə nyi ka kadashinaaku, luuwə tə ci makə sətə cii kwa luu tə nyi. ¹⁸ Maa kə shi ca bəzee ka səkəku taa ka ŋgutə rəgwa patə, taa dəmənəaku nəndə aciikii, tə nyi cii kwa nə'u. ¹⁹ Nyi Bulusə ca naahə ənə də ciinəki oo'i, nyi Bulusə, ka ənəpaaginə nə nyi ka hə saaku. Amma buurətə oo'i, daciiki upaa hə luupaanə. Patə da ha'ə paa nyi ka wabənə agyanəkii. ²⁰ Tuutəta'ə ndzəkəŋunə, uudagi səkəki putə nga Slandana. Əgəvə ma'i rara'ə aa ədzəməki putə nga Aləmasiihu.

²¹ Kə shii nyi, ka dətənə nə hə makə sənə cii kya naahə ka hə. Kə shii nyi maa, ka dətənə nə hə palee ka ətsa. ²² Agi kədiinə nə nyi aciiku əsə, kaa ha kapaa ka nyi kuva, acii agi kanə nə nyi na oo'i, ka luunə nə əntaŋfə də'wa goonə, ca ənəpaagi də nyi aabii unə.

Tsakə nəhəpaanə

²³ Yoo, ma əpafərasə, guva-furəshinaaki putə nga Yeesu Aləmasiihu, kə nəhəpaa ci tə hə. § ²⁴ Ha'ə əsə nə guvii-slənaaki, waatoo Marəkusə

1:16 16 1 Koor. 7.22; 1 Tim. 6.2. **1:19** 19 1 Koor. 16.21.
§ **1:23** 23 əpafərasə: Kwal. 4.12.

da Arisətarəkusə da Dimasə da Luka, agi nəhəpaanə nə tii tə hə. *

²⁵ Wa Slandanaamə Yeesu Aləmasiihu a da koonə pwapoonə.

* **1:24** 24 Marəkusə: Slənə 12.12; 2 Tim. 4.11; Arisətarəka: Kwal. 4.10; Dimasə da Luka: Kwal. 4.14.

Kura Aləkawalə ɲga Əntaɲfə
Gude: Kura Aləkawalə ɲga Əntaɲfə New Testament
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

56396c70-45d3-5118-be46-8c4c3fec34f1